

Duv jienastimkárttá dal boahdá girkkoválljimij ragátmáno 17.b.

Ájllega ragátmáno 17.b. l girkkoválljim Svieriga girkkon. Dalloj besa jienastit juohkusijda ja ulmuttjijda gudi galggi oassálasstet ja mierredit girkko iellema ja dájma birra boahhte niellja jage. Gesi sidá ietjat áskov vaddet?

----- (Folderns insida) -----

Bájnattjit boahhteájgev - jienasta girkkoválljimin!

Majt sidá Svieriga girkkov dahkat? Ragátmáno 17.b. l girkkoválljim. Dalloj dán ja gájkka ietjá sebrulattja Svieriga girkkon mierredi Svieriga girkko boahhteájge birra. Gájkka sebrulattja gudi li állim 16 jage bessi girkkoválljimin jienastit.

Gudi galggi duv áskov oadtjot ájnas ássijit mierredit boahhte niellja jage? Gáktu galggá duv girkkomákso aneduvvat? Makkir dájma galggi gávnnut gánná áro? Makkir vuojno galggi girkkon árrat? Girkkoválljimijn viehkken besa bájnattjit!

Svieriga girkko gávnnu moatten bájken. Goappátjagá tjoaggulvissan álles rijkan ja moatten bájken álggorijkan, valla aj webban, sosiálalasj mediajn, skihpadábijn ja moatten ietjá sajen. Dahkamus la gávnnut ulmuttjijda, gánná ulmutta gávnnuji.

Girkkoválljimin jienasta nammadimjuohkusijda. Doajmmá vargga náv gák jienastit belludagájda rijkabiejvveválljimin. Besa jienastit gálmán umasslágásj mieren; bájkalattjat ietjat tjoaggulvisán, dajvak stiftan gási gullu, ja rijkalattjat.

*Le gus duv jienastimkárttá láhppum jali sidá gus ienebuv diehtet girkkoválljima birra?
Lågå ienebuv svenskakyrkan.se/kyrkoval*

Ájnas dáhpádusá

Rievddadiddje ássje viessomin dáhpáduvvi. Gå njuorak la fármén, gå l gierrum, jali gå vuosstemannama ja báhtádallama sjaddi, gå muode sjaddá jali gå nágin jábmá. Girkko l aktisasjvuohta ávvuj ja surgguj, dábdátjit aktisasjvuodav mijá guojmij ja Jubmelijn.

Girkko árbbedábe ja symbolalasj dago - jubmeldievno, javlla- ja bäsásjbasodibme, hálggo, gástadibme, skullujláhkám, fiesstim ja hávddádus - máhttelisvuodav vaddá gijttogisvuodav ja ávov, jáhkov ja juorev ávddájbuktet.

Viesso kultuvrraárbbe

Svierigin gávnnuji bájkoj 3 400 girkko ma Svieriga girkkos tjuottjoduuvvi. Juohkka girkko máhttá subtsastit jáhkkoássij, jubmeldievno, musijka ja arkitektuvra, bájke histárjá ja ulmuttjij birra gudi li viessum ja viessu danna. Le sierralágásj, aktisasj ja viesso kultuvrraárbbe ienep gå tuvsánjagák ruohhtsasij.

Sadje mánájda ja nuorajda

Mánájn la ájnas sadje Svieriga girkkon ja mánáj buoremus agev galggá ájnnašamos árron. Tjoaggulvisájn rijka birra l enas vaddet. Gájkká rabás ávddáskávlás gitta giessedájmajda, kávrájda, njuoraklávllagij, skávtajda, niejdda- ja báhttajajuohkusijda, äjgátkafeajda ja iehtjádijda.

Gå viessom la vájvve

GirKKo dahkamus la gulldalit, doarjjot ja doajmmat, ulmuttjida máhttelisvuodav vaddet ietjasa vásádusájt fámodisvuodas ja niedas tjalmostahttet ja ájttsat vierrevuodajt. Ájnas oasse Svieriga girKKo sosiálasj bargon la vaddet ságastimij umasslágásj hámiht. Vájku dán la háhkka hieden, surgon jali ietjá árijs dárbaša náginiht ságastit. Diakona ja hárrá barggi sjávvälggogisvuodan.

Ráfe ja jasskavuohta

Svieriga girKKo l akta Svieriga stuorámuš doarjjadájmadiddjijs. Väráldin gánná állusa buorebut viessogáhti de iehtjáda vilá oajbbu ietjasa bierrgimij ja ietjasa rievtesvuodajda. Svieriga girKKon danen la diehttelis dahkamus barggat aj rikkejgasskasattjat. Svieriga girKKo gávnnu aj álggorijkan. Álggorijkkatjoaggulvisá gávnnuži bájkoj 45 bájkijn värálda birra jasska sadjen gánná máhttep aktisasjvuodav dábdát, jubmeldievnov basodit ja dárjav oadtjot.

Dán la dárbulasj!

Moadda máhttelisvuoda gávnnuži gesi sihtá oassálasstet. Vattav vaddet jali barggat iesjmiedogisbarggen duv tjoaggulvisán. Iesjmiedogisbarggij dárbo la stuorre ja moatten tjoaggulvisán máhtá ietjat ájges vaddet gá oassálastá sosiálasj dájma umasslágásj tjerdajn. Umasslágásj dahkamusájs náv gák doarjjot ulmuttjijt gudí li Svierigij boahám, káfav málestít jali váhkádallat jubttsatjegan, váttstájt vuorrasij jali oahpestiddjen girKKon giesen. Máraða nubbe nuppev de máhttep girKKon árron májt Jubmel mijáv gáhttju árron.

Diehtogahpa girjátjin:

- Ienep gá 40 000 máná ja álessjattuga gástaduvvin 2016.
- Svieriga girKKo 3 000 girKKojn la sierralágásj suodje Kultuvrrabiráslága milta.
- Jourahárrá dunji danna gávnnu. Máhtá rihtgít 112 kloahkka 21-06 gájkká biejeve.
- Svieriga girKKo juohkka biejeve biebbmoskurpujt juohká hejmadis ulmuttjida ja ulmuttjida niedan.
- Svieriga girKKo álggorijkan gávnnu ja doajmmá ienep gá 100 bajken birra värálda.
- Ienep gá 5000 kávrá Svieriga girKKon miellodi vargga 100 000 ulmutja.
- Svieriga girKKo juohkka jage iejvvi bájkoj 30 000 15-jagágijt skalloláhkámájgen.
- Svieriga girKKo gávnnu ACT- lihton mij la 143 jáhkkovuododum doarjjaorgansisasjávnašs birra värálda.

Diededibme jienastimkártán la moatte giellaj járggáluš. Gávna dajt:
www.svenskakyrkan.se/kyrkoval/languages

----- (Röstkortet) -----

Jienastimkárttá - Girkkoválljim ragátmáno 17.b. 2017

Návti jienasta girkkoválljimin

Sebrulattja Svieriga girkkon gudi li 16 jage állim bessi girkkoválljimin jienastit. Dagáduvvá vargga sämmiláhkáj náv gák almulasj välljimin. Jienastittjatválljimlanján (gehtja adressav badjelin) de hähttu ietjat jienastimkártáv jali legitimasjávnav vuosedit.

Ávddálájgejienastit ragátmáno 4 - 17.b.

– Bájkiñ álles rijkan

Besa ávddálájgejienastit, bájkiñ álles rijkan, ragátmáno ájgen 4- 17. b. Kártta gávnnu www.svenskakyrkan.se/kyrkoval gájka jienastimlanján ja rahpamájgi. Jus dujna illa jienastimkártta de vuostak aktavuodav válde duv tjoaggulvisájn, valla l aj máhttelis ádá jienastimkártáv oadtjot ietjá bájkiñ. Hähttu de legitimasjávnav vuosedit.

– Brevvajianastit

Brevvajianastit la ietjá vuohke ávddálájge jienastit. Dási dárba ha brevvajianastimskurpov majt oattjo duv pastor- jali tjoaggulvisdájmadagás. Rája ietjat brevvajianav vaj la bohtám stifttaj mañemusát ragátmáno 15.b. Hähttu aj duoddit ietjat jienastimkártáv.

– Jienastit budájn

Budájienastibme dagáduvvá vargga sämmiláhkáj náv gák brevvajianastibme. Máhttelisvuohtha l dunji gut iesj i besa ladnjáj. Brevvajianastittjat dárba ha brevvajianastimskurpov (gehtja badjelin). Budá hähttu mañáj välldet duv jienastimkártáv gá brevvajianav guodá duv välljimlanján jali jienastimlanján pastoráhtan/tjoaggulvisán.

Jienastit välljimbiejve ragátmáno 17.b.

– Duv välljimlanján

Jienastimkártán lågå makkir välljimlanján besa jienastit ja rahpamájge (gehtja badjelin). Hähttu ietjat jienastimkártáv jali legitimasjávnav vuosedit.

– Jienastimlanján

Jus la ietjá bájken välljimbiejve de máhtá jienastimlanján jienastit. Hähttu de jienastimkártáv vuosedit.

Jus la álggorijkan?

Ulmotja gudi l álmuktjáledum Svierigin valla árru álggorijkan välljima bále máhtti brevvajianastit (gehtja badjelin). Brevvajiedna rájaduvvá girkkostivrraj vaj la bohtám mañemusát ragátmáno 13.b. Ádá jienastimkártta máhtta dárbon dagáduvvat. Kártta rájaduvvá álggorijkkatjoaggulvisá baktu.

Duv jiedna bájnassj gáktu Svieriga girikko stivrriduvvá.

Girkkoválljimin máhtá gálmán välljimin jienastit;

Válljim girkkofábmoduvvamij - duv bájkálassj välljim

Vállji girkkofábmoduvvamij ietjat tjoaggulvisán/pastoráhtan. Dánna rájá mierreduvvi doajmmaj mij duv lahkusin gávnnu. *Vielggis välljimsiedila.*

Válljim stifttaj - dajvak

Svieriga girikko l juogedum 13 stifttaj. Stiftafábmoduvvam la stifta alemus mierrediddje orgána. Stiftaj ájnnašamos dahkamus la doarjjot tjoaggulvisájt sijá dájman ja tjuottjodimen ássjedábdij moatten guovlon. *Guovggisruoppsis välljimsiedila.*

Válljim girkkotjáhkalvissaj - rijkalattjat

Girkkotjáhkalvis la Svieriga girikko alemus mierrediddje orgána 251 ájrrasij. Mierret girikko aktissaj ja gájkbadjásasj ássij birra. *Visská välljimsiedila.*

Masi máhtáv jienastit?

Girkkoválljimin jienasta nammadimjuohkusijda ja sijá kandidáhtajda. Juohkusa ja kandidáhta tjáleduvvi www.svenskakyrkan.se/kyrkoval. Juohkusa diededi sijá välljimprográmmaj birra. Máhtá persávnnájienastit gálmá kandidáhttaj gá sijáv ruossi välljimsiedilin. Ruossa lasedi kandidáhta máhttelisvuodav välljiduvvat ja bássa duv ávdástit. Jus dán i ruossi de duv jiedna nammadimjuohkusij vatteduvvá.

Jus la lámppám ietjat jienastimkártáv

Jus la lámppám jienastimkártáv de máhtá ádasav oadtjot (náv gáhtjodum lijggejienastimkárttá). Aktavuodav válde vuostatjin ietjat tjoaggulvisájn. Máhtá aj rávvit www.svenskakyrkan.se/kyrkoval jali Svenska kyrkans Valservice, tel 018-16 96 00. Ádá jienastimkárttá rájaduvvá ietjat.